



Crisis Theologica

Cárdenes, Juan de

Sevilla, 1687

Dissertatio X. An liceat desiderare alicui malum sub ratione boni
temporalis vtilis?

[urn:nbn:de:hbz:466:1-75689](#)

dum esse pauperi graviter indigenti,
ex necessarijs ad statum, quia negari
non potest, quin aliquando debeat
subveniri ei necessitatibus ex superfluis
statui, vt diximus cap. 2. In quo casu
si dicamus, vix esse divitibus super-
flua statui, idem erit, ac dicere, non
esse, aut vix esse obligationem suc-
currendi. Quod autem divites non
habeant excusationem, ad omitten-
dam eleemosynam in gravibus ne-
cessitatibus; satis constat ex ijs, quæ
dixit in 1. part. Cris. Theol. disp. 20.
cap. 2. art. 2. &c. 3.

lij; & voluntas sub eadem præci-
sione potest desiderare hereditatem,
non mortem. n. 10.

1. **H**ic dubitationi dāt occa-
sionem tres propositiones
damnatae ab Innocentio XI. in hoc
Decreto ex quibus decima tertia
propositio sic se habet: *Si cum debita
moderatione facias, potes absque pec-
cato mortali de vita alicuius tristari,
& de illius morte naturali gaudere,
illam ineffaci affectu petere, &
desiderare; non quidem ex displicentia
personæ, sed ob aliquod temporale
emolumendum.*

2. *Propositio 14. damnata hæc
est: Licitum est absoluto desiderio cu-
perre mortem Patris, non quidem ut
malum Patris, sed ut bonum cupien-
dis, quia nimur ei obventura est
pinguis hereditas.*

3. *Propositio 15. similiter dam-
nata huius est tenoris: Licitum est
filio gaudere de Parricidio Parentis &
se in ebrietate perpetrato, propter in-
gentes divitias inde ex hereditate
consecutas.*

4. *Pro quarum explicatione, &
recta intelligentia, quia aliqui scrip-
tores falso existimarunt, eas propo-
sitiones damnatas inferri ex doctrina
S. Thomæ, suppono primo, non esse
mentem Romani Pontificis damnare
doctrinam, quam circa hanc mate-
riam tradidit S. Thomas. Ideo opera
priorum est proponere ante oculos
doctrinam S. Thomæ, vt inde con-
fert, tres illas propositiones damnata-
ri quoad id tantum, in quo differunt
à doctrina S. Thomæ.*

5. *Et quidem Angelicus Doctor S. Th.
2. 2. quæst. 76. art. 1. sic ait. [Si au-
tem aliquis imperet, vel optet malum
alterius sub ratione boni, sic est lici-
tum, nec erit maledictio per se loquen-
do, sed per accidens: quia principalis
intentio dicentis non fertur ad ma-
lum,*

DISERTATIO X.

*An liceat desiderare alicui ma-
lum sub ratione boni tem-
poralis utilis?*

CAPVT I.

*Referuntur propositiones dam-
natae; & præmittuntur
aliqua.*

S Y M M A R I V M .

*Doctrina S. Thomæ coharet cum hac
damnatione. num. 4.*

*Textus S. Thomæ pro ratione dubitan-
di. num. 5 & 6.*

*Potest desiderari mors alicuius propter
bonum spirituale illius, aut alterius. num. 7.*

*Possimus desiderare mortem alicuius
propter bonum commune. n. 8.*

*Potest quis desiderare mortem alicuius
propter vitandum aliquid ingens
nocumentum. n. 9.*

*Intellectus potest præscindere mor-
tem Patris ab effectu hereditatis si-*

lum, sed ad bonum. Contingit autem malum aliquod dici imperando, vel optando sub ratione duplicitis boni. Quandoque quidem sub ratione iusti, & sic index licite maledicit illum, cui precepit instant penam inferri. Et sic etiam Ecclesia maledicit anathematizando: sicut, & probete in scripturis quandoque imprecantur mala peccatoribus, quasi conformantes voluntatem suā divinae iustitiae; licet h̄e imprecatio[n]es possint etiam per modum prænuntiationis intelligi. Quandoque vero dicitur aliquid malum sub ratione utilis, putacum aliquis optat aliquem peccatorem pati aliquam aggritudinem, aut aliquid impedimentum, vel ut ipse melior efficiatur, vel ut saltē ab aliorum nōcumento cesseret.]

6. Et in 3. dist 30. art. 1. ad 4. sic habet. *Ad quartum dicendum, quod charitas attendit ad quedam bona per se, scilicet ad bona gratia: ad quedam autem per accidens, in quantum ad ista ordinantur. Bona autem temporalia, que per accidens charitas attendit, & ex consequenti possunt se invicem in diversis impedire, quia prosperitas unius inducit adversitatem alterius, unde quis charitas ordinem habet, & plus debet diligere quisque se quam alium, & propinquos quam extraneos, & amicos quam inimicos, & bonum commune multorum, quam bonum privatum unius, [p]otes[t] aliquis salva charitate, optare malum temporale alicui, & gaudere, si contingit; non in quantum est malum illius, sed in quantum est impedimentum malorum alterius, quem plus tenetur diligere, vel communitat[is], aut Ecclesie.] Similiter de malo etiam eius, qui in malum temporale incidit, secundum quod per malum p[er]ea impeditur frequenter malum culpe eius: sed bona gratia mutuo se non impedit, quia spiritualia bona à pluribus integre possideri possunt. Et*

ideo quantum ad hoc, nullus, salva charitate, potest malum alteri optare, vel de malo gaudere, nisi in quantum in malo culpe, vel damnationis alicuius reluet bonum divinae iustitiae, quod plus tenetur diligere, quam aliquem hominem. Sed hoc non est per se de malo gaudere, sed de bono, quod adiunctum est malo.

7. Suppono secundo, sub ea damnatione non comprehendendi doctrinam, quam omnino veram, & certam existimo, scilicet posse me desiderare inefficaciter mortem alterius propter bonum spirituale illius, aut alterius. Et ratio est, quia bonum spirituale semper debet præferri bono temporali. Sic Pater potest desiderare inefficaciter mortem filij, qui dat signa p[er]versionis futuræ, vel cum credit lapsurum in multa peccata enormia

8. Suppono tertio, etiam esse licitum, neque comprehendendi sub ea damnatione, si quis desideret mortem alicuius propter ingens bonum etiam temporale communatatis, vel Ecclesie, quia bonum commune præferendum est bono privatae personæ. Neque comprehenditur sub ea damnatione, quia propositiones damnatae non loquentur de hoc casu.

9. Suppono quartο, etiam esse licitum, neque contentum sub ea damnatione, si quis desideret mortem alicuius propter vitandum alicuius magnum nocuientum, quod ex vita illius impendet consanguineo, propinquuo, vel amico, vel etiam ipsis desideranti. Et hoc est quod dixit S. Thomas supra citatus, nēmpe: *Potest aliquis salva charitate, optare malum temporale alicui, & gaudere, si contingit, non in quantum est malum illius, sed in quantum est impedimentum malorum alterius, quem plus tenetur diligere.* Ita Pater

Pp² potest

poteſt licet desiderare inefficaciter mortem mariti, qui filiam eius pefſime affligit ſine ſpe emendationis. Et ratio eſt, quia cum Pater teneatur plus diligere filiam, quam genetum, & affidua afflictio filiae fit magnum malum; propter hoc vitandum licebit illud desiderium inefficax Patris.

10. Suppono quinto. Intellectum poſſe praefindere mortem Patris ab effectu hæreditatis filio adventientis: & ſic licitum erit, neque ſub ea damnatione contentum, quod filius gaudeat de hæreditate ſibi obveniente ex morte Patris, quin de ipſa morte gaudeat. Nam eamdem praefiſionem, quam facit intellectus, poſteſt ſequi voluntas. Quod ſi intellectus praefindit inter praedicta identificata, à fortiori poterit praefindere inter ea duo, quæ realiter diſtinguntur, videlicet inter mortem Patris, & aditionem hæreditatis.

C A P V T II.

Quomodo ex doctrina S. Thomæ non inferatur aliqua ex propositionibus damnatis?

S V M M A R I V M .

Proponitur ratio dubitandi num. 12. & ſeqq.

Nulla ex his propositionibus damnatis inferatur ex doctrina S. Thomæ num. 15.

Cum quis gaudet de malo unius, reduplicative quatenus eſt bonum alterius, reduplicatio cadit ſupradictum alterius. num. 16.

Qui cupid mortem alterius propter ſuum commodum temporale, defi-

derium illius fertur immediate ad mortem alterius. num. 17.

Doctrina generalis Santa Thomæ, quod licet desiderare malum proximi ſub ratione boni, non extendit ad quacumque rationem boni. n. 19.

11. **D**uo ergo ſunt, quæ præcipue dubitanter circa damnationem earum trium propositionum. Primum eft propter falsam quorundam existimationem praefatam, an aliqua ex propositionibus damnatis inferatur ex praefacta doctrina S. Thomæ: Secundum, quid ſit, quod formaliter damnatur, & prohibetur in eo decreto?

12. Et quantum ad primum attingit, prima, & ſecunda propositio alicui videbitur inferri ex doctrina S. Thomæ. Et enim: *Si aliquis optet malum alterius ſub ratione boni, ſic eſt licitum, nec erit maledictio per ſe loquendo, ſed per accidens, quia principalis intentio dicentis non fertur ad malum, ſed ad bonum.* Ut loquitur S. Thomas lic. cit. Sed qui de vita alicuius tristatur, aut de illius morte naturali gaudet vel illam, inefficaci affectu petit, aut defiderat, non ex displicentia personæ, ſed ob aliquod temporale emolumentum; iſte optat malum alterius ſub ratione boni; & principalis intentio illius non fertur ad malum, ſed ad bonum: ergo eiusmodi defiderium inefficax licitum eſt.

13. Deinde qui abſoluto defiderio cupid mortem Patris, non quidem ut malum Patris, ſed ut bonum cupientis, quia nimur ei obvientura eſt pinguis hæreditas; optat malum Patris ſub ratione boni, & intentio filij non fertur ad malum, ſed ad bonum: ergo id defiderium ex mente S. Thomæ licitum eſt.

14.

14. Secundo iuxta S. Thomam potest alius salva charitate optare malum temporale alicui, & gaudere si contingit, non in quantum est malum illius, sed in quantum est impedimentum malorum alterius, quem plus tenetur diligere. Quae sunt verba S. Thomae supra relata. Sed filius tenter plus diligere se ipsum, quam Patrem, & vita Patris est impedimentum bonorum filij, cum impedit aditionem hæreditatis, & mors Patris est impedimentum huius mali, quod accidit filio, carrendi hæreditate: ergo ita poterit filius gaudere de morte Patris, quæ impedit carentiam hæreditatis,

15. Dicendum tamen est, nullam ex propositionibus damnatis inferri ex doctrina S. Thomæ, atque adeo damnationem earum propositionum nullatenus adversari doctrinæ S. Thomæ. Etenim S. Thomas non docet, licitum esse, quod intentio desiderij feratur directe, & immediate ad malum alterius, sed dumtaxat ad bonum, quod ex eo malo resultat, ut patet ex illis postremis verbis: *Sed hoc non est per se de malo gaudere, sed de bono, quod adiungitum est malo.*

16. Pro cuius intelligentia non tandem est, cum S. Thomas dicit, licitum esse gaudere de malo vniuersi, in quantum est bonum alterius, facere reduplicationem, & quamvis in reduplicatione interveniat materiale, & formale; quando sit reduplicatio, non sit supra materiale, sed supra formale: & ideo illud gaudium, vel desiderium solum fertur immediate ad formale, scilicet ad bonum alterius. Ita cum dicimus, *Album reduplicative quatenus album, disgregat visum*, quamvis album sit concretum ex subiecto, & forma, tamen reduplicatio non caedit supra materiale, sive supra su-

biectum, sed solum supra formale, nempe supra solam albedinem. Sic etiam cum quis appetit dulce reduplicative quatenus dulce, non appetit subiectum dulcedinis, sed ipsam dulcedinem: quod si appetit etiam subiectum, non appetit illud praescisse quatenus dulce reduplicative: nam ut dixi, reduplicatio solum appellat supra formale.

17. Hinc respondetur ad argumenta proxime allata. Ad primum ergo respondetur, eum qui desiderat mortem alterius propter suum emolumenntum temporale non sistere in proprio commodo, sed desiderium illius ferri immediate ad mortem proximi, vel Patris. Cum tamen S. Thomas reduplicans supra bonum inde secutum, solum doceat licitum desiderium de formali, nempe de ipso bono, quod resultat. Et hinc etiam pater ad secundam partem primæ obiectionis.

18. Ad secundam obiectionem clarius patet doctrina tradita, cum in verbis relatis S. Thomae inveniatur reduplicatio, in qua solum attenditur immediate formale bonitatis, & non materiale mali, ex quo ea bonitas resultat.

19. Respondeatur secundo. Cum S. Thomas tradidit doctrinam generalē, quod licet desiderare malum proximi sub ratione boni, non propterea docuisse, licitum esse desiderare malum proximi generaliter sub quacumque ratione boni, multo minus sub ratione boni levissimi; quod amplius constabit ex, proxime dicendis

C A P V T III.

Quomodo intelligendæ sint propositiones dannatae?

SVMMARIVM.

Sensus est, illicitum esse desiderare directe mortem proximi ob commoda temporalia. n. 20.

Licitum est desiderare mortem proximo, ad vitandum aliquod ingens malum. n. 21.

Non est licitum præponere commodum temporale vita proximi. num. 22.

Et hinc explicatur sensus propositionis decima tertia. Ibidem.

Ex eodem principio constat sensus, & falsitas propositionis decima quarta. n. 23.

Et propositionis 15. n. 24.

An filius desiderans directe mortem Patris propter hereditatem, desideret illam reduplicative quatenus sibi commodam? n. 25. & seqq:

Quid dicendum de parricidio perpetrato in ebritate? n. 2.

Dicendum est secundo, in ea damnatione propositionum damnari doctrinam, quæ tradit, licitum esse desiderare directe, & immediate mortem proximi, aut gaudere de illa propter commoda temporalia. Quod apud omnes certum esse debuit. Etenim lethaliter peccat, qui sibi ipsi desiderat mortem ob causas levissimas. V. g. Si quis sibi mortem desideraret propter vitandum fastidium, quod concipitur ex nimia loquela alterius, aut ex nimia tufsi socij. Et ideo Antoninus Diana part. 5. tract. 14. resol. 92. premissa doctrina, & periodo P. Granado ex 2. 2. controv. 3. tract. 6. disp. 2. scđt. 4. n. 22. optime dixit. Ex quibus apparet, esse

damnandas de mortali mulierculas, & præsertim vetulas, quæ ob res minimas vociferantur, & optant sibi mortem:]Ex quibus omnibus constat, non licere optare sibi mortem propter bonum levioris momenti. Ergo non licet optare mortem proximo propter bonum levioris momenti. Sed qui optat mortem proximi, non propter ingens aliud malum vitandum, sed propter qualcumque emolumentum temporale, aut propter pingue hæreditatem adeūdam, desiderat illi malum propter bonum levioris momenti: ergo mortaliter illicitum est. Probatur minor: quia vita proximi preferri debet cuilibet emolumento temporali. Nam si id non esset verum, quomodo in extrema necessitate proximi teneretur homo succurrere etiam de necessariis ad statum.

21. Itaque licitum est, & minime sub ea damnatione contetur, desiderare mortem proximo ad vitandum aliquod ingens sibi impendens, sicut etiam licitum est optare sibi mortem, ut evadat aliquod ingens malum, sive temporale, sive spirituale, non tamen est licitum desiderare mortem proximo propter emolumentum temporale non necessarium; quia id censetur bonum levioris momenti, facta comparatione cum vita proximi.

22. Et ex hac secunda conclusione patet, merito damnari decimam tertiam propositionem. Nam tristitia de vita alicuius, aut de morte naturali gaudere ob aliquod emolumentum temporale, ita ut tristitia aut gaudium feratur immediate & formaliter ad vitam, aut mortem proximi, maxime dissonat ratione: quia sic præponitur emolumentum temporale vita hominis. Et idem de affectu petendi, aut desiderandi mortem proximi, quamvis affectus sit ins-

inefficax. Cum quo sit, quod si desiderium feratur solum ad emolumētum temporale pro hypothēsi , in qua Deus vellet , proximum mori, non autem ad mortem illius, tale desiderium non incurrat reatum peccari lethalis; ut dixi initio in suppositione 1.

23. Et ob eamdem rationem, imo & maiorem , damnatur decima quarta propositio, de eo, qui desiderat mortem Patris ob hereditatem sibi obventuram. Diffonat enim maxime rationi, quod præferat hereditatem vitæ Patris. Habetque specialem circumstantiam contra pietatem erga Patrem: debet enim pluris astimare vitam patris , quam alterius proximi. Et hæc circumstantia mutat speciem , quia est contra specialem virtutem.

24. Eodem genere deformitatis scatet decima quinta propositio: quia iuxta eam gaudium filij formaliter & immediate terminatur ad calamitatem Patris : quod illicitum est ob rationes propositas. Si autem id gaudium solum ferretur immediate & formaliter ad effectum acquisitionis divitiarum , & non ad calamitatem Patris; sic non esset peccatum contra charitatem ; sed solum peccaret ex nimio amore divitiarum.

25. Dices: Filius in eo casu gaudet de calamitate Patris, quatenus si bona est reduplicative : ergo sic non peccat. Probatur consequentia. Nam , vt loquitur S. Thomas supra citatus num. 14. *Potest alius, salva charitate optare malum temporale alii cui, & gaudere, si contingat, non in quantum est impedimentum malorum alterius, quem plus tenetur diligere.* Diximus autem , reduplicationem non cadere supra mortem , sed supra effectum.

26. Respondetur, filium in eo casu non gaudere de morte Patris,

quatenus sibi bona est reduplicative, quia cum reduplicatio cadat solum supra formale , nempe supra bonitatem , sive commoditatem propriam; & gaudium filij (quale proponitur in ea propositione) terminetur formaliter ad ipsam calamitatem Patris, & non solum ad commoditatem propriam; inde fit, quod non gaudet de morte Patris reduplicative ut sibi commoda. Qod si filius gaudet de morte Patris reduplicative ut sibi commoda , sic non gaudet de materiali, nempe de morte ; sed formaliter, supra quod fit reduplicatio , nempe de commoditate propria , supposita morte Patris, de qua non gaudet, sed supponit illam contingisse. Et ita hec propositio : *Filius gaudet de morte Patris reduplicative quatenus est commoda sibi; æquivalisti, Filius, præsupposta morte Patris, gaudet de commodo suo :* neque in alio sensu admittenda est.

27. Quod autem dicitur in proposit. 15. de parricidio perpetrato inebritate , nihil habet speciale circa materiam huius dissertationis. Ideo breviter dico, si , quando filius habuit voluntatem se inebriandi , prævidit periculum occisionis Patris, imputatur filio peccatum parricidij , quod si non prævidit , non imputatur. Vide Vasquium tom. 1. in 1. 2. disput. 127. Quod si postea gaudet de calamitate Patris , peccat, graviter; ut dictum est. *Vasq.*



DI-